

“七七事变”已五十余年， 犹闻唱卢沟桥之歌，感作

深官帅府铸奸谋，却藉机端肆寇仇。
一夕奔霆惊薄海，八年浴血奋神州。
宛平城古新楼立，永定河平柳影稠。
旧景苍茫谁记取，犹闻夜半唱卢沟。

七十五岁初度，得七律四首（录一）

光阴七秩枉追思，大漠雄关几越驰。
旷野行军星耿耿，孤灯觅句夜迟迟。
屈平忧国心犹昔，杜叟怀民志岂移。
四纪艰辛终不悔，诗痴今古尽情痴。

丙戌上巳日与诸吟友游西山大觉寺

春风待染远山青，却滞枝头戏早莺。
已是轻装迎上巳，尚留余庆记新正。
寺名大觉谁先识？花自沉酣梦未醒。
半日前贤游赏地，清吟应不愧前盟。

过五丈原哀诸葛亮

五丈原头事可哀，行人不见祷星台。
平生伟业酬三顾，永世贤名耀九陔。
屡嘱荆州终大意，绝知阿斗是庸才。
成功未必皆豪俊，竭智扶危亦壮哉。

乙亥春节除夜所养水仙盛开直至元宵

不待春风着意吹，几丛寒玉出琼瑰。
亭亭倩影明窗牖，暗暗幽香沁酒杯。
篱落冰封难觅菊，名园路远少寻梅。
水仙却似安排就，直到元宵次第开。

李汝伦先生寄赠《紫玉箫二集》 因成一律致谢

一册书来破寂寥，随君怒笑几昏朝。
棘荆满路投身軋，块垒难平赖酒浇。

黑水白山骄瘦骨，椰林蕉雨动诗潮。
衰年自觉吟怀减，借取先生紫玉箫。

过陈少敏同志故居

陈少敏同志为解放战争初期我华中部队中原突围时领导人之一，“文革”后期为九大代表。当大会通过诬称刘少奇为“叛徒、内奸、工贼”的决议时，公开不肯投票者唯她一人。其故居在北京西城，现今拆毁，朝夕经过，书此自励。

转战中原弹雨经，当年意气自纵横。
绝知六字真冤狱，忍看千秋褒令名。
众目睽睽钦一士，华堂寂寂愕无声。
羨君大勇心仪久，却对残垣意不平。

登岳阳楼

不惮途程远，来寻楚地幽。
时平花满眼，湖近水明楼。
一点君山碧，三湘淑气浮。
范公名记在，忧乐志心头。

长白山天池

三江分注处，百里矗奇峰。
云海迷遥树，初阳醒碧泓。
危崖凝地火，砾石沐天风。
独立苍茫久，归来梦亦雄。

观地对空导弹射击喜作

为看军威壮，宁辞冒晓风？
红旗临怒海，银靶起遥空。
大地腾烟火，长天舞玉龙。
残标云际落，近远笑声同。

寄廖立

四载恩仇共，英年意气扬。
烟云笼渭水，花树映丹江。
汴郑音书杳，欧非道路长。
嘉州诗注罢^①，遥想倚明窗。

注：①廖立的《岑嘉州诗笺注》由中华书局出版。

